

**Ақтөбе облыстық мәслихатының  
Ш Е Ш І М І**

**Ақтөбе қаласы**

**№161**

**2017 жылғы 30 мамыр**

**Ақтөбе облысы бойынша тексеру комиссиясының «Б» корпусының D-1 және D-2 санаттарының мемлекеттік әкімшілік лауазымдарына біліктілік талаптарын бекіту туралы**

«Қазақстан Республикасы Президентінің кейбір жарлықтарына өзгерістер мен толықтырулар енгізу туралы» Қазақстан Республикасы Президентінің 2017 жылғы 5 сәуірдегі №456 Жарлығына сәйкес, «Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасының 2001 жылғы 23 қаңтардағы №148 Заңының 6-бабының 2-1-тармағын, «Мемлекеттік аудит және қаржылық бақылау туралы» Қазақстан Республикасының 2015 жылғы 12 қарашадағы №392 Заңының 47-бабының 2 және 3-тармақтарын, «Қазақстан Республикасының мемлекеттік қызметі туралы» Қазақстан Республикасы 2015 жылғы 23 қарашадағы Заңының 17-бабының **4-тармағын**, Қазақстан Республикасы Мемлекеттік қызмет істері және сыбайлас жемқорлыққа қарсы іс-қимыл агенттігі Төрағасының 2016 жылғы 13 желтоқсандағы №85 «Б» корпусының мемлекеттік әкімшілік лауазымдарына үлгілік біліктілік талаптарын бекіту туралы» бұйрығын басшылыққа ала отыра және Мемлекеттік қызмет істері және сыбайлас жемқорлыққа қарсы іс-қимыл агенттігінің Ақтөбе облысы бойынша департаментінің 2017 жылғы 22 мамырдағы №2-11/1468 хатының негізінде, Ақтөбе облыстық мәслихаты **ШЕШІМ ҚАБЫЛДАДЫ:**

1. Ақтөбе облысы бойынша тексеру комиссиясының «Б» корпусының D-1 санаты - тексеру комиссиясының төрағасы, D-2 санаты - тексеру комиссиясының мүшесі, мемлекеттік әкімшілік лауазымдарына қоса беріліп отырған біліктілік талаптары бекітілсін.

2. Осы шешім 2017 жылғы 6 мамырдан бастап қолданысқа енгізіледі.

**Сессия төрағасы,  
облыстық мәслихаттың  
хатшысы**

**С. ҚАЛДЫҒҰЛОВА**

2017 жылғы 30 мамырдағы №161  
облыстық мәслихаттың шешімімен  
бекітілген

**«Ақтөбе облысы бойынша тексеру комиссиясы»  
коммуналдық мемлекеттік мекемесінің  
«Б» корпусының D-1, D-2 мемлекеттік әкімшілік лауазымдарына  
қойылатын біліктілік талаптары**

**Тексеру комиссиясының төрағасы  
D-1 санаты, 1-бірлік, №1-1**

<b>Көрсеткіштер</b>	<b>Талаптар</b>
<b>Білімі мен мамандығы бойынша талаптары</b>	Жоғары білімі: экономика және бизнес (экономика, қаржы, есеп және аудит, мемлекеттік және жергілікті басқару); құқық (құқықтану).
<b>Қажетті күзiреттер бойынша талаптары</b>	«Б» корпусы мемлекеттік әкімшілік лауазымдарының санаттарына үлгілік біліктілік талаптарына сәйкес.
<b>Жұмыс тәжірибесі бойынша талаптары</b>	«Б» корпусы мемлекеттік әкімшілік лауазымдарының санаттарына үлгілік біліктілік талаптарына сәйкес.
<b>Функционалдық міндеттері</b>	<p>Жалпы басшылықты жүзеге асырады және Тексеру комиссиясына жүктелген міндеттер мен функциялардың орындалуына Қазақстан Республикасының заңдарында көзделген жауаптылықта болады; Тексеру комиссиясының регламентін бекітеді; Тексеру комиссиясы мүшелері мен Тексеру комиссиясы аппаратының жұмысын ұйымдастырады; Қазақстан Республикасының өзге де мемлекеттік органдарында, ұйымдарында және Қазақстан Республикасынан тыс жерлерде Тексеру комиссиясының атынан өкілдік етеді; бекітілген штат саны және облыстық (қалалық) бюджетте көзделген қаражат шегінде Тексеру комиссиясы аппаратының құрылымы мен штат кестесін бекітеді; Қазақстан Республикасының заңнамасында белгіленген тәртіппен Тексеру комиссиясы аппаратының басшысын және қызметкерлерін қызметке тағайындайды және қызметінен босатады; мемлекеттік қызмет туралы заңнамада белгіленген тәртіппен Тексеру комиссиясының қызметкерлерін көтермелейді және оларға тәртіптік жаза қолданады; өз құзыреті шегінде бұйрықтар шығарады, нұсқаулар береді, олардың орындалуын тексереді, Тексеру комиссиясының отырыстарында қабылданған қаулыларға және нұсқамаларға қол қояды; мемлекеттік аудитті тәуекелдерді басқару жүйесінің негізінде ұйымдастыруды көздейтін, мемлекеттік аудит объектілерінің тиісті жылға арналған тізбесін бекітеді;</p> <p>Тексеру комиссиясының мүшелеріне мемлекеттік аудитті және (немесе) үстеме, бірлескен және қатар тексерулерді жүргізуге тапсырмалар береді; Тексеру комиссиясының құзыреті шегінде аудиторлық іс-шараларды жүргізуге қатысатын Тексеру комиссиясының мемлекеттік аудиторларының құрамын айқындайды;</p>

	<p>Тексеру комиссиясының аудиторлық, сараптамалық-талдау қызметіне мемлекеттік аудит және қаржылық бақылау стандартының сақталуы мәніне, соның ішінде мемлекеттік аудит объектісінде бола отырып сапаны бақылау жүргізудің қажеттілігін айқындайды; жергілікті бюджеттің атқарылуына және мемлекет пен квазимемлекеттік сектор субъектілері активтерінің пайдаланылуына мемлекеттік аудит мәселелеріне қатысты құжаттамамен құпиялылық режимінің, коммерциялық және заңмен қорғалатын өзге де құпияның сақталуын ескере отырып, кедергісіз танысады; мемлекеттік аудит объектілерінен аудиторлық іс-шараларды жүргізуге байланысты мәселелер бойынша қажетті анықтамаларды, ауызша және жазбаша түсініктемелерді талап етеді және өзі белгілеген мерзімде алады;</p> <p>Тексеру комиссиясының мүшелерін қызметке тағайындаған, сондай-ақ оларды қызметінен босатқан кезде олардың кандидатуралары бойынша ұсынысты тиісті мәслихаттың қарауына енгізеді; тиісті әкімшілік-аумақтық бірліктің мәслихатына аудан (облыстық маңызы бар қала) бюджетінің атқарылуы туралы жылдық есепті ұсыну жөніндегі міндетті облыстың Тексеру комиссиясы мүшелерінің біріне жүктейді; тиісті әкімшілік-аумақтық бірліктің облыс, аудан (облыстық маңызы бар қала) әкімдігінің отырыстарына қатысуға құқылы; Тексеру комиссиясы Төрағасының жанынан консультативтік-кеңесші және консультативтік-сараптамалық органдар құрады;</p> <p>өзі болмаған жағдайда, Тексеру комиссиясы Төрағасының міндетін қолданыстағы заңнамаға сәйкес, Тексеру комиссиясы мүшелерінің біріне жүктейді;</p> <p>Қазақстан Республикасының заңнамасында көзделген өзге де өкілеттіктерді жүзеге асырады.</p>
--	---

**Тексеру комиссиясының мүшесі**  
**D- 2 санаты, 4-бірлік, (№2-1, №2-2, №2-3, №2-4)**

<b>Көрсеткіштер</b>	<b>Талаптар</b>
<b>Білімі мен мамандығы бойынша талаптары</b>	Жоғары білімі: экономика және бизнес (экономика, қаржы, есеп және аудит, мемлекеттік және жергілікті басқару); құқық (құқықтану).
<b>Қажетті құзіреттер бойынша талаптары</b>	«Б» корпусы мемлекеттік әкімшілік лауазымдарының санаттарына үлгілік біліктілік талаптарына сәйкес.
<b>Жұмыс тәжірибесі бойынша талаптары</b>	«Б» корпусы мемлекеттік әкімшілік лауазымдарының санаттарына үлгілік біліктілік талаптарына сәйкес.
<b>Функционалдық міндеттері</b>	Тексеру комиссиясының аудиторлық, сараптамалық-талдау, ақпараттық және өзге де қызметін ұйымдастырады және жүзеге асырады; Қазақстан Республикасының заңдарында көзделген жауаптылықта болады, тексерілетін мемлекеттік аудит объектілерінің жұмыс істеуіне кедергі келтірмейді және олардың ағымдағы шаруашылық қызметіне араласпайды; жергілікті бюджеттердің атқарылуына,

	<p>мемлекет пен квазимемлекеттік сектор субъектілері активтерінің пайдаланылуына мемлекеттік аудитті жоспарлау және жүргізу мәселелеріне қатысты құжаттамаға құпиялылық режимінің, коммерциялық және заңмен қорғалатын өзге де құпияның сақталуын ескере отырып, кедергісіз қол жеткізе алады; мемлекеттік аудитті жүзеге асыруға байланысты мәселелер бойынша қажетті анықтамаларды, ауызша және жазбаша түсініктемелерді мемлекеттік аудит объектілерінен талап етеді және өздері белгілеген мерзімдерде алады; өздері басқаратын (жетекшілік ететін) қызмет бағыттарының мәселелері бойынша өз құзыреті шегінде өз бетінше шешім қабылдайды; өз құзыреті шегінде мемлекеттік аудитті тиімді ұйымдастыру үшін қажетті ресурстардың көлемін айқындай отырып, мемлекеттік аудиттің бағдарламаларын бекітеді, аудиторлық қызметті ұйымдастыру бойынша міндеттердің бөлінуіне сәйкес, нұсқамаларға қол қояды; Мемлекеттік аудит объектілерінің тиісті жылға арналған бекітілген тізбесіне сәйкес Тексеру комиссиясы аппаратының қызметкерлеріне мемлекеттік аудит жүргізуге тапсырмалар береді; Тиісті әкімшілік-аумақтық бірліктің облыс, аудан (облыстық маңызы бар қала) әкімдігінің отырыстарына қатысуға құқылы; Қазақстан Республикасының заңнамасында көзделген өзге де өкілеттіктерді жүзеге асырады.</p>
--	---